

OMUKWETU

No. 15

Registered at the GPO as a Newspaper

15c

KASHI na nduno mbudhi kutya omusita okwa taamba ko oshinakugwanithwa shika note shi longo nuudhiginini noneitulomo; kutya oku shi uvite ko nawa nota simaneke ondilo yasho neinekelo nomategameno ngoka oonakuthigwapo haa kala ye ga na muye poompito dhomatopoko. Kashi na mbudhi kutya okwa taamba ko ayihe mbika - shoka sha yela osho ashike shoka kutya sigo onena omusita oye ngoka aantu taa tala nokuligamena kuye a kwathe nokuhunga oonakunikoluhodhi, oonakutondolwa noonakwiikalekewa.

Nda dhini okutumbula, ngaashi miipangelo moka ochaplain, ano omusita, e li mongundu yaayakuli, uuna pwa holoka eso, nena aantu ayehe naayakuli wo ooyakawo oya tala ashike komusita e ya pe sha shoka tashi vulu oku ya kumika omukumo okutsikila niilonga nonokukalamwenyo. Osho wo aanegumbo, aakwanezimo naayehe oya ligamena kuye, a holoke puyo, e ya popithe, e ya hekeleke.

Nokuli nuuna oondokotola naapangi taa tseyithile aakwezimo elaka kutya omuholike gwawo okwa hulitha, oya hala omusita a kale po, a kale ngaa e li po. Kape na malimbililo, aantu oya tegelela oshindji komusita pomathimbo agehe, ndele unene pethimbo lyoluhodhi nosho sha kala aluhe.

OMUSITA OYE OMUHEKELEKI

M.I.AMADHILA

Melala lyoomvula omathele dha piti nosigo onena ndjika, omusita okwa kala a talwa ongomuntu gwotango ngoka e na okusila oshimpwiyu, okukwatha nokuhekeleka aanaluhodhi. Osha ninga oshinima shopamukalondjigilile kutya apehe mpoka eso netopoko tali holoka, otapu pumbiwa ekwatho neambidhidho lyomusita, lyomupateri (pata) nenge lyomuRabbi (mokati kAajuda).

Onkee sho shi li ngeyi otatu pumbwa shili okuuva ko oluhodhi nkene halu longo, opo tu vule okukwatha nawa aantu yaKalunga mboka twe ya pewa uusita kOmuwa gwetu. Oshoka paGranger E. Westberg, aavu oyendji mboka tu na oye na omandhindhiliko ngoka taga holola kutya omavu gawo oge etwa ashike komaluhodhi inaaga pola noinaaga pangwa pethimbo. Membo lye lyedhina "Good Grief", Westberg ota ti: "Oshi na oshilonga komuntu okutseya shoka tashi ningwa muye ethimbo kehe ndyoka ye ta kanitha omuntu omukwawo nenge oshinima shontumba shi na oshilonga oshinene kuye, onkee tse atuhe otwa pumbwa okuuva ko omaluhodhi getu omanene noma shona ngoka olwindji ga fa hage tu vulu oonkondo."

OLUHODHI OSHIKE? Omuprofessori Edgar N. Jackson ota totha mo oluhodhi ta ti: "Oluhodhi olwo shimwe shomomatukuluko omawinayi gomeni ngoka haga adha omuntu. Olwo etukuluko lyomuntu. Olwo etukuluko lyo-

meni ndyoka hali holoka pomathimbo goluhodhi nogokulila oosa, uuna ndoka omuntu ta kambadhala okwiitokola ko kekwatathano ndyoka lya kala po pokati ke nomuholike gwe ngoka kee po we nenge noshiholikenima shongandi, shoka a li e shi hole shil! nota yelekele ngeyi okupangela nukuloteka etukuluko lya tya ngaaka lyomeni a vule ihe okukala nawa komeho mokati kaanamwenyo aakwawo, e na ukolele nokutsikila iilonga ye.


Oluhodhi kalu shi ashike einyengotukuluko lyomeni muule womuntu, ndele olwa mena wo muule muukwatya womuntu ngoka e na ondjonona onde yependuko noyehumokomeho ongoshishitwa oshikwankalathano. Jackson ota ti: Kape na ngoka ta vulu okuuva ko omuntu gumwe gwontumba nuupu, manga inaa uva ko tango ngundu yaantu moka e li.

Onkee ontseyo yonkalathano noyuuntu otayi tu kwatha lela okuuva ko omalunduluko ngoka taga ningwa muukwatya nomomutungilo gwomuntu. Otashi tu kwa-

tha wo okukoneka iikandekitho mbyoka omuntu a longitha melala lyokukala po kwe okwiikwatha nokwiigamena koonkondo ndhoka ye kee dhi uvite ko noita vulu oku dhi pangela.

Pafupi oluhodhi olwo eyamukulo (response) lyomuntu koshiningwanima sha ningwa monka!athano. Olwo einyengoyamukulo lyolela lyomuntu kokuhulwa sha shontumba shoka a li e shi yela nenge e shi luka. Otalu koko pamwe neuvitouvuko

(Tala ke pandja eti 5)



Omusita Matti I. Amadhila oye ta hokololo oshilonga nolupe lwoluhodhi. Oshipopowa shika tashi, kala hashi holoka mo Mukwetu pomathimbo nomathimbo, opo shi yamukule ondilo lyoongundu dhi ili nodhi ili ndhoka konima yoku shi pulakena dhi indila shi taarideli-thwe.

CCN TAYI POPITHA EPANGELO

Kakele koongundu dhopapopotika ndhoka dha holola nale omadhiladhilo gadho kombinga yosheetwapo shombilive yaAmushangandjayi yongashingeyi ku-South Africa, ndjoka inaayi yamukulwa natango, Oraata yoongeleka muNamibia (CCN) oya panda omathaneke ngoka onkene tayi popitha Epangelo lyaSouth Africa nefatululo ngaashi tashi landula:

Oraata yoongeleka muNamibia mOshigongi shayo shokomitee ompitithi ya gongala mOvenduka, 24 Juli 1980, mokudhiladhila ombilive (S/14011) yaAmushangandjayi, Dr. Kurt Waldheim, gwligwanahangano. ndjoka ya nyolelwa Oministeli yinima yopondje ya S.A., omusamane Botha meti 22/6/80, otayi gandja epopilo lyayo komathaneko omape gOshitolpolwa shaa na aakwiita shoka sha kwatelwa muyo. Osho eiuvu lyoshili lyOraata ndjika kutya omathaneko ngaka otaga tungu omukana gwakola gwetsokumwe lyopambili noli shi okutulwa miilonga, ndyoka tali ka zimnwa paigwana mekwata-thano neutholombwelo lyOraata yegameno yomo VVO lynomola 435 (1978), ndyoka tali leshwa kumwe nomathanekotsokumwe gonomola S/12636.

Oshinakugwanithwa shetu shopakriste otashi tu thiminike okulonga omolwombili mevi lyetu, onkee moluuyelele mbuno Oraata ndjika otayi ningi eindilo lya mana mo nolyomuule ku S.A. opo a longithe ompito ndjika nokutaamba omathaneko ngaka.

Shika otashi ka keelela omakulokoshi, etiko lyombinzi nonkalo yuukwaanaveta yi li muNamibia, moka akwashigwana yevi ndino taa kwatwa nokungambekwa koonkondo dhooveta (Proclamation) AG 9, AG 26 pwaa na egameno lyohofa nenge lyoveta yontumba.

Oraata yoongeleka muNamibia otayi hiya aakriste apehepehe, opo megalikano lyesiku kehe ya tsikile muu-

LWF NUUMBUGANTU WAFRICA

Moshigongi shawo shokomumvo moshilando Augsburg, mNdo-wishilanda lyokUuninginino okuza 6-12 lyaJuli 1980, ompitithingundu yOngongahangano yaAakwaluther LWF, sha ya tala nokutongolola onkalo yongaashingeyi moRepublika ya-South Africa nomuNamibia, oya holola okusa oshimpwiyu kwawo okunene omolwonkalo ya tya ngaaka. Ompitithingundu ndjika oya holola puuyelele eiuvitopamwe lyawo naantu yomilongo mbika, mboka taa kondjele emanguluko nuuyuki, ethikopamwe nuuthemba wopapolotika, ompito dhi thike pamwe me'ngo nomiilonga yesiku, ehulithopo lyoveta yoopaasa, emanguluko lyokupopya nolyokweenda nombili.

Oya pangula omakwato nomayedhililo moondholongo gAaw'likingeleka, mboka omasiku ga ziko ya li taa indile omukriste omukwawo, ngoka a li i itula mongundu yaagundjuka nokupula elongo lyaantu yomomiloko adhihe li thikithwe pamwe, a mangelulwe.

Ompitithingundu oyu uvite nayi unene konkalo yomuNamibia. Sigo onena aantu otaa tsikile okutulwa moondholongo nedhina lyooveta ngaashi, AG 9 na AG 26, ndhoka tadhi gandja uuthemba wokukaleka aantu noondholongo ethimbo eleleka pwaa na epangulo lyasha po pwaa na ompito yokuholoka mompangu.

Otashi ehameke omwenyo omahpepeko sho taga tana nomalugodhi taga tsikile muUmbangalantu woshilongo shoka tashi eta omeehamo ogendjigendji reso, notashi ningi okukalamwenyo kwesiku kehe okudhigudhigu.

Oongeleka oonkwakriste, ndhoka dhi lile po omwaalu omunene gwaantu yomuNamibia, odha kala aluhe tadhi popile onkambadhala dhokweeta po ombili tayi kalelele tashi pitile mehogololo lyaayehe metonatelo lyi-gwanahangano. Ihe oonkambadhala ndhika odha ponvithwa kumboka ye na oonkondo niinima yoshilongo mboka ya toto po moshilongo epangelo lyoketumini niko tali thiminikilwa aantu. Etotopo lyoraata yooministeli mewiliko lyo DTA, omasiku ngaka, osho oshinima shimwe natango shoka tashi ulike kutya: apangeli kaye na ko nasha nomahalo nondjuulukwe dhomwaali oku-

kumwe okugalikanena mboka ye na sha moonkundathana, etsokumwe li adhike mbala, osho CCN ya ti.

yuulukwa ombili. Ashike shika osha shonopeke natango etegameno lyokukandula po omukundu papolotika notashi taneke tashi endelelitha ompito noku-taandelitha iita yethimbo ele.

Ompitithingundu ya LWF otayi koleke uugumwe wayo noongeleka ndhoka dhi li iilyo ya LWF muSouth Africa nomuNamibia.

Otayi dhimbulukwa oma okolo gOshigongi oshinene oshitihamano shOngongahangano, ngoka ge na sha naAfrica lyokUumbugantu (Southern Africa) nuunene efatululo ndyoka tali popi kombinga yuukwashili wehampululo lyeitaalo ndyoka tali dhimbulutha iilyongeleka eithano noshinakugwanithwa shayo shoka sha kankamekelwa keitaalo lyawo nopo ya holole nokuulika uukumwe wongeleka, oye na okwekelahi montaneho yaayeha nopwaa na nando ugelele washa omulandupangelo gwokatonzotongo ngoka gu li po ngaashingeyi. Ompitithingundu ya LWF oya hala okulombwela nomukumo aantu yomuSouth Africa noyomuNamibia kutya oyo otaa tsikile oku ya kwatha mokulungitha egalikano.

Ompitithingundu ya LWF otayi indile iilyongeleka ayihe mongongavi kehe dhi ninge ashihe shoka tadhi vulu okweetitha po ehulithopo lyomaluhodhi muNamibia, opo aantu ayehe yomuAfrica lyokOlukadhi ya vule okukala ye thike pamwe muukwashigwana mombili nomemanguluko. Otayi indile iilyongeleka ya LWF yi konge ompito okuthikitha oshimpwiyu shika shetu kepangelo lyoRepublika yaSouth Africa nokutsa omukumo mapangelo giilongo yawo okukwathela moonkambadhala ndhika.

IILYO IPE MOKOMITIYE YA LWF

Ongundumpitithi yOngongahangano yaAakwaluther moshigongi shayo shotango numvo, oya hogolola iilyo iyali iipe. Aahogololwa mbaka oyo: omusita Noël Rabemanantsoa, amushanga omukuluntu gwongeleka Onkwaluther muMadagascar nogwokangundulungekidho kopashigwana ka LWF muMadagascar.

Oshilyo oshitiyali oye omusita Daniel P. Rapoo, omumbisofi gwOshikandjo shokUuninginino mOngeleka Onkwaevangeli paLuther mUumbugantu waAfrika, nokuli wo omupresidende gwopevi mokangundulungekidho kopashigwana ka LWF mu S.A.

Iilyo mbika iyali otayi ka udhitha omahala ngoka ga holoka po mOmpitithingundu ya LWF, molweso lyomumbisofi A.W.Habelgaarn, osho wo ehala lya dr. Lukas de Vries, ngoka inaa hogolululwa omupresesa gwOngeleka Onkwaevangeli paLuther muNamibia, noku li ngashingeyi miilonga yepangelo lyaSouth Africa.

Iilyo mbika otayi ka yakula mOmpitithingundu ndjika sigo okoshigongi oshinene tashi landula, mo 1984.

AAGUNDJUKA DHIGININENI ETHIMBO

One aagundjuka inamu etha oshilongoa sheni mwe shi pewa, komushiti gwaayithe. Kaleni aluhe moshigongi sheni. Naangoka inoo tameka, tameka, numvo. Oshoka ethimbo lyuugundjuka olya fa oongala dha sheneka kombanda yomeya.

EPUKULULO MOMUKWETU

Oshifo shonomola 10 shaMai 30, mepandja etine, osha mona omatseyitho gopombambo, mpoka pwa tiwa: "Oshigongi shaakwaniilwa yaNdonga shoka sha ningilwe kuuwa waNamungundo petameko lyaJanuali osha li sha longekidhwa nosha hiywa kuefolo Selma Shejavali."

HaSelma Shejavali, ihe omukwaniilwa mwene gwoshilongo shaNdonga, Immanuel Elifas naakwathi ye, ye shi longekidha noku shi hiya. Tangi sho tamu leshulula nawa eopaleko ndyoka.

Gwanandjokwe

OU LI MONGUNDU YINI?

Moshifo shimwe shOmukwetu nuumvo omwa li tamu popiwa kutya omuntu oshike. Onda hala ukutsikila mpoka kutya oku na ompito ontine ndjoka omuntu to vulu okukala po, sigo aluhe. Ihe onawa ngele to i pula manga: Omongundu yini to ende? Oku na oongundu ndatu:

1. Ongundu yaamboka yi itaala kutya oya hupithwa shili.
 2. Ongundu yaamboka ya limbililwa, ihe oya hala ehupitho.
 3. Ongundu yaamboka ye wete inaa pumbwa ehupitho — omainyanyudho hwepo.
- Nandi endulule; Ongundu yini u li?

Aantu ayehe otaa ende methimbo tali fala kehulilo, ethimbo ndyoka tali fala kuukwaaluhe wa yamwe taa ligola nayamwe taa ziya ehodhi nenino.

Ethimbo lyayamwe momwenyo nguka ele nolyayamwe efupi. Walyewo kutya lyetu nangoye olini po noli thike peni? Ihe yaye kwaangoka muukwaaluhe we mu nikila uuposi sigo onena. Nando ope na ohole yaana onamba yaKalunga koonakumufadhuka po, ndjoka ya hokololwa komushigakano, nando pe na elaka lyaKalunga okutonda uulunde, nando ope na epangulo lyaKalunga lyomuntu kehe.

Unene tuu oonakuhola uulunde konima yeso, nando pe na eyo lyomoheli lyaangoka e tonde Kalunga, onkene ngaa oyendji, pamwe ongoye gumwe gwawo nookuli, mboka taa taalele onakuyiwa muuposi wokwiihola nokuyoga momagadhi guulunde, ongo kwaana Kalunga, eso epangulo, egulu noheli. Ngele ope na yamwe yomaaleshi ya landula ondjila yuukeenakonasha noyokuusi okegumbo lya tya ngaaka, Kalunga ne ya sile ohenda pokathimbo oko tuu haka, ope omehogawo ga tonate manga taa lesa okanyolwa haka, oshoka ethimbo lyomuntu otali ende lele li vule okudhiladhila kwe.

Kuume kandje, ngele ongoye gumwe gwoonakweetha okudhiladhila nuukwaaluhe, onkalo yoye oya nayipala, we shi itaala nenge inoo shi itaala. Dhimbulukwa kutya ethimbo lyehupitho ongaashingeyi.

Eeno, ngiika ngoye oto ti: "Ngame ondi li mongundu ontiyali ndjoka omushangi wa popi. Onda hala ehupitho, ihe ondi na omalimbililo, kombinga yehupitho lyandje mwene." Kuume, ngele ou na omalimbililo, oga zi mokwaana eitaalo moonkondo ndhoka Kalunga e dhi na okuhupitha omuntu. Omwenyo gwa



Omwiilongi guuteolohi S.VV Nambala kOmapumulo, Natal

yuulukwa Kalunga ogwo owala tagu vulu okutaamba ko sha yela thiluthilu ehupitho tali popiwa mpaka.

Eeno, uudhigu womalimbililo goye ou uvitike ko. Ihe ngele ou na ondjuulukwe nenota, lyoshili yehupitho, nena koonkondo ndhoka Kalunga te ku kwatha nandho, oto adha onkatu yokwaana malimbililo nokutseya kutya owa hupithwa shili omolweitaalo muKristus.

Opo onkalo yoye konima yezo yi kale ya gamenwa, yaa na omalimbililo noyenyanu, ope na owala oshinima shimwe shoka to vulu okuninga:

Itaala kutya Jesus Kristus okwa sa neso lyokomushigakano omolwoye nowa hala okuza nena u kale omulongwa nomulanduli gwe pakwatho lyOmbepo Ondjapuki. Shika ngele owe shi ningi moshili, elunduluko oto li mono. Kalunga ne ku kwathe ngoye omuleshi, oshoka aayapuki yaKalunga otaye ku galikanene, ope nangoye wo u ninge omuna gwaKalunga shili nomuthigululi guuyapuki waaluhe.

S. V. V. Nambala

OSHIGONGI SHOMO VVO SHAAKIINTU

Oshigongi shoVVO shaakiintu osha gongala omasiku ngaka muKopenhagen kuDenmark. Otapu tegelelwa kutya, oonkundathana kombinga yaSouth Africa nUuzilo wopokati otadhi ka kutha uule womasiku 4, gomomasiku 9, ngoka ga uthilwa oshigongi shika.

Oshigongi otashi ka konakona, kutya okatongotongo neyugo ko lyomikunda dhaArab kulraeli oye e ta shike nenge oyi na iyimati ya tya ngiini maakiintu. Muule womasiku omakwawo ngoka ga hupu ko, oshigongi otashi ka kala shi ipyakidhila nokukundathana omikundu dhopapolitika muuyuni.

CHRISTA HELD A YELWA

Feelani CHRISTA HELD ngoka a talele po ELOK omathimbo ga piti okwa uthwa a kale omuwiliki (director) on LWF community development service (CDS) Oshikandjo sha LWF shoka tashi kwatha momapendulopo nomahumithokomeho. Ooprojekte odhindji mu ELOK odha kwathwa koshikandjo shika, ngashi, Oshigambo, Engela, Ongwediva, Nkurenkuru nosho tuu.



Christa Held omuwiliki omupe gwOshikondo shomapendulopo nehumithokomeho lyiigwana CDS/LWF, muGeneva.

Omusamane B. Neldner oye wo a uthwa a kale omupeha gwaChrista Held. Oshikandjo shika osho okwooko kwa LWF okukwatha ongeleka shilyo miilonga yokuhumitha komeho. Oshina ooprojekte 900 muuyuni.

Amushangandjayi gwligwanahangano Dr. Kurt Waldheim, mokweegulula oshigongi okwa ti: "Ondhino nokutala ko nayi aakiintu naku se. likundathanwa itatu yoshigongi oyo uuthikepamwe, ehumokomeho nombili. Ilini ma mbika itatu oya simana noya pumbiwa noonkondo, noyo wo naanaa yi li elalakanano nenge ehuku lyiilonga yligwanahangano yo yene." Osha yela kutya aakiintu nayo wo oye na oshimpiyu oshinene omolwombili yuuyuni noyi itula mo lela miinima yehumokomeho, ngashi naanaa aalumentu," osho Waldheim a ti.

ONGULU YONGHENDA MUKONGO

Ongudu inenenene yovanhu, oya li ya ngudumana poshivelo shongeleka yaKongo eti 22/6/80. Engudumano lavo okwa li li na sha neyapulo longeleka oyo tuu ipe.

Manga omivelo da li inaadi yeululwa, ombinga yimwe yelongelokalunga oya ningilwa pondje, nopwa leshwa evelise dimwe mePsalm 118.

Moshiilikaneno omumbisofi okwa lesa muJoh.5:1-4 nosho yo 1 Kor.1:18 nokwa tumbula ngaha: "Ohandi pandula unene eshi nounona va ongala". Okwa fatulula yo eyapulo longeleka kutya otashi ti, ongulu yonghenda otayi yoololelwa oshilonga oshiyapuki.

Ava va fya nova longa, oshilonga shavo otashi tu longo fiyo onena, Betel olo eumbo lOmwene, oshiwana otashi uya shi kale pamwe nOmwene apa. Apa ope na onhele yokwiilikanena mo. Omakende ongeleka okoushilo, oku na olupe tali ti lixupipikeni alushe ngeenge tamu uya apa.

Ongeleka oya tungwa molupe lombila. Apa ope na ombila yomatimba, ileni mu a fudike apa, meshasho liyapuki, mOuvalelo wOmwene nosho tuu.

Betesda oyo ongulu yonghenda. Apa, ope na ongulu yonghenda, amushe otamu ifanwa, onona, ovanyasha novakulupe.


Ovavelimbada, ileni kongulu yonghenda kuKongo, oilema yomaludi keshe otai ifanwa i uye kongulu yonghenda. Ongulu yonghenda otai kala tai yeuluka pomafimbofimbo. Eongalo laKalunga mu li moushilo pefimbo eli lidjuu, omwa hala okuveluka? Ileni alushe kongulu yonghenda, ongheenda yaKalunga otai tetekele, ndele ope na efimbo olo tai ka shuna.

Longifeni efimbo eli manga pe na onghenda.

Okwa li yo kwa ningwa enangeko lomufita Timoteus Hameva efiku tuu olo, meongalo lokuKongo.

Nakusa Sheehama okwa li a pe egongalo lyaNesi R23,309,00, molwetungo lyongeleka. Opo uuna ya mana okugongela iimaliwa yetungo ye yi mu shunithile. Ihe konima Sheehama aniwa okwe ke ya lombwela ashike ye mu shunithile R5000,00.

Pokati kiipopiwa niipopiwa yoshituthi opwa li pwa kala oondjimbo ndhoka dhe shi nyenyepaleke.



Ombinga yomeni yongeleka yaNesi, owalitali.

OMUSITA OYE OMUHEKELEKI

(Dha za kepanja 1)

Iyomuntu, sho ta koneke ekanitho lye mpoka li thike. Tse aantu ohatu si oluhodhi nokunikila uthigwa oshinima kehe shoka twe shi kuthwa nosha li nondilo kutse. Ndi tye oluhodhi oshinima shopanshitwe, naanaa ngaa-shi okufudha, omuntu sho ta fudhile mo noto fudha mo ombepo.

Kape na ngoka te ende ondjila ndjika yokukalamwenyo e ta yuuka mo inaa tsakanekwa koluhodhi poompito dhi ili nodhi ili odhindjindhindi. Tse aantu ethimbo olindji lyokukalamwenyo kwetu ohatu li manene mokiwepeka tu mohe shoka twa pumbwa notashi yambapaleke okukalamwenyo kwetu.

Ohatu kongo ookuume, omukiintu nenge omulumentu, aanona, egumbo, iilonga, onkalonawa niinima yi ili noyi ili, ano eliko, iimaliwa negameno. Shaashimwe shomiinima mbika nda tumbula twe shi kanitha nenge twe shi kuthwa otashi tu etele oluhodhi. Omuntu ota si oluhodhi ngele ta kanitha nando ukolele, omehe, omakutsi egumbo lya pya po nandokuli, ongombe ya sa, oshihauto sha yonauka po, uugundjuka wa kana nosho tuu.

Pethimbo ndika lyetu oluhodhi maantu, unene maavali otalu etwa wo komatau gaana sho taa thigi po oshilongo shawo notaa yi mupongekwa. Onkee epulo enene kutseni atuheni olyo ndika:

Oshike naanaa twa pumbwa okutseya koshinima shika sholuhodhi?

Patiyali, otatu tala kutya eitaalo lyetu lyopakriste oli na ekwatho lyashike moshinima shika?

Kombinga yepulo lyotango, natu taleni nokukonakona ondjila yoluhodhi ndjoka hayi endwa kongundu onene yaantu mokusa oluhodhi nokwiikeya kwawo, opo ya vule okugalukila ishewe konkalonawa nokutsikila okukalamwenyo ngoshito. Shika otatu shi ningi nokutala oonkatu 10 dholuhodhi ndhoka Westberg te dhi tumbula membo lye "Good Grief".

Ashike nashi kale sha yela petamekolela kutya haantu ayeheyehe taa pumbwa okweenda ondjila ndjika nokwoondjola ko oonkatu adhihe ndhoka omulongo palandulathano naanaa ndika tali ka gandjwa mpaka. Osho wo kashi shi naanaa oshinima oshipu komuntu kehe okuyolola nokukoneka nawalela oonkatu ndhoka adhihe melandulathano, oshoka olwindji omuntu ite ende naanaa ta katuka nawa okuza kuyimwe nokuya konkwawo.

Shoka sha yela osho wala shoka kutya, opo omuntu a vule okukala nawa konima yoluhodhi olunene nekaniho, ota pumbwa ngaa okupita moonkatu dha tya ngaa-ka, ngele okukoona ko adhihe nenge okupita modhindji dhomudho.

(Taku tsikilwa miifo tayi landula)

OLYE TANDI VULU OKUYA NAYE MOONDJOKANA?

Ndika olyo epulo tali inyenge maagundjuka yethimbo lyetu. Pulakena nkene tse yakweni twa li twe li kundathana, notwa thiki kiitsa yimwe, kombinga yepulo ndika notu wete otayi tu kwatheni. Oshitsa shotango nosha simana mokuyamukula epulo ndino:

■ Indila tate Kalunga e ku pe omukwathi e ku opalela, osho oshitsa shotango.

■ Ipula ishewe omapulo taga landula opo u tale ngele oto mono omayamukulo.

Omumati: Owa hala omukadhona a tya ngiini? Owa hala a pita ongapi, omupangi, omulongi, omutheolohi nenge pamwe owa hala i ilonga omusika, nenge inaa enda mosikola?

Owa hala ando e na omuthika gu thike peni? Opu gwaSabiina Shaanika muufupi, nenge omule e thike pugwandje? Uunene wolutu owa hala wu thike puwaLoliva gwaandjetu, nenge omushona molutu e thike puwala yoye?

Owa hala omukadhona gwoye a kale ha nu iikolitha ngaashi aakadhona oyakwawo haa dhengele mo, nenge owa hala a kale ta yolwa sho itaa nu? Owa hala omukadhona e hole kongeleka? Na kale e hole aantu, nenge owa hala omukunyunu ye a dhina aantu, opo wu kale ngele ku mo megumbo, yo ookuume koye itaa ende mo nongele ye ende mo ya kale ya fa ye ende megumbo yaa shiwiki mo?

Ngele owi ipula omapulo goludhi nduno, nena otashi vulika wu imonene ngu to yi naye moondjokana. Ihe indeni tuu tango moonkundathana dha kwata miiti manganinaamu ninga omatoko lo gahugunina.

Omukadhona: Owa hala Kalunga e ku pe omumati a tya ngiini nokwa pita ongapi, owa hala omulongi, omusita, omuhingi gwiiyenditho, omupolosi, ekakunya, (omusolo) omunambelewa, ondotola, omupanguli, omwehe gwomukunda nenge oha longo mumuni, nenge shampa owala ngo e ya? Owa

hala ando omule e thike ando puKamulunga, ngu ta yogo omeya e ga gama kuu-zilo; nenge omufupi e thike puSebby yaAshipala?

Owa hala omumati gwoye a kale ha dhengele mo ye a kale kee na ookuume, opo sho tse ooyakwawo ihaatu nu we, nenge ano owa hala a tya ngiini? Owa hala tuu omumati e hole iigongi yopakriste nomunyanyukwi?

Kepulo ndika: "Olye ngo tandi vulu okuya naye moondjokana" tse osho twa dhimbulula shoka, itatu mu longo nenge tu mu pe ompango sho mu na okuninga. Ishewe otu shi shi shika osho hamu ningi. Mpaka tse otwe mu dhimbulukitha owala iinima yeni. Tse otwa vulwa owala omatopoko goondjokana dhaagundjuka, taa topoka inaaya ninga omwedhi. Walyewo tuu ngele omapulo owe ga yamukula mondjila. Walyewo ngele omwa kundathanene nomumati nenge nomukadhona gwoye manga inaamu hokana. Ethathaneni manga inaamu ya moondjokana, ihwepo shi vulithe. Shika kashi shi oshipango, ihe ne yene omwa tseya shoka tamu ningi. Longitheni omukalo ngo tagu mu opalele. Pukulathaneni noondunge adhihe.

S.A.Nambabi

OVATEOLOHI OVAKAINHU KUIBADAN

Ovateolohi ovakainhu otava ka ongala eti 8-13.9.80 muIbadan shaNigeria. Oshoongalele eshi osha longekidwa koshoongalele shEengeleka Adishe muAfrika (AACC).

Ehuku loshoongalele olo: Ovakainhu ovateolohi - oonakulonga pamwe mongudu yovalumenhu novakainhu mongeleka nomoshiwana.

Mokati koikundafanwa omu na ngaashi: Oshilonga shomuteolohi omukainhu Omuafrica moini-ma yopalongelokalunga, onghalo yeumbo (yofamili) nehukumokomesho loshiwana. Omukalo wouteolohi ngaashi u li paife otau ka konakonwa noshoyo omukundu weyapulo lovakainhu otau ka kundafanwa.

OTAA MANGULULWA NOTAA KWATWA

Omutonatelishitayingeleka shUuninginino omusamane Mik: lilonga, pamwe nomusitago galogwaShitayi Titus Ngula, mboka ya li ya kwatwa po okuza 28/29/5/1980, poompito dha yooloka, ya mangululwa.

Manga nda li nda kuutumba ndipyakidhila nokukonakona mokambapila hoka kwa li inaandika mona nale, ondu uvu ocndjimbodhehambelelo tadhi imbwa pondje. Mokweentamena mekende onda mono aaniilonga yetu yu uka hoka taku imbwa oondjimbodje. Ngame wo omaimbilo oga hili ndje ndi na enyanyunkumwe okuya mpoka tapu imbwa oondjimbodje. Nuunkatu uufupi tandi endekele konima yayakwetu, onda konakona oshipala shaangoka molwe oondjimbodje dhehambelelo tadhi imbwa.

Nonkumwe onene onda dhimbulula, kutya omutonatelishitayingeleka shUuninginino, ngoka a li a kwatwa po eti 29/5/1980, manga a li moshigongi sh'wili-kongundu lyoshilongatumo pooniipa. "Eeno shili Kalunga na hambelwe", osho ndi i popile.

Okwa li a etwa po eti 6/8/80, manga ku na ominute 15, okudherga otundi onti 12. Po'undi onti 12, enyanyu lya tsikilwa nduno, unene sho omusitagongalo gwegongalo lyaShitayi naye a etwa po, ngoka a li a kwatwa pegumbo lye eti 28/5/80. "O, eeno, Kalunga na hambelwe."

Ishewe manga aaniilonga ya adhika ya fudha po, yamwe ya andalala puunzile, manga yalwe ya ka petapeta kontumba nokongandi, okahauto nkoka ke etele po omusita T. Ngula, oka ealukile po; nani oke eta ishewe omusita Matti Endjala gwokEengolo ngoka a kwatelwe eti 12/6/80.

Ngiika kemanya taku zintsisi, opo oonkwatwa dhi mangululwe, ngaashi ando omundohotola Nafatali Hamata ngoka a kwatelwe pegumbo lye eti 30 Juni 1980.

lipala ya li tayi holola enyanyu, va siilile ishewe sho ya kundana kutya yamwe ya kwatwa po omasiku ngaka. Omusita Natanael Shinana, Engela, naKristian Shipunda gwokOmundau-ngilo, nosho wo omuyakupangi Rauha Shimhanda — Uutsathima, nomupangi Rauna Nambinga gwokEngela, ya kwatwa.

Natango otu na okutsikila nomagalikaneno, opo Kalunga a huli the po iinima ayihe mbyoka tayi ehameke omwenyo nomadhiadhilo goshigwana shika shi hole ombili.

OMUNONGEKI OMUTANZANIA A NINGI AMUSHANGA

Omundohotola Anza Amen Lema 47, gwaTanzania okwa hogololwa omasiku ga zi ko a ninge amushanga omukuluntukwathi mOngongahangano yAakwaluther muyuuni. Omusamane Lema ngoka a kalele oomvula 19, omulongi muTanzania okwa yi pehala lyomusitagongalo Albertus Maasdorp gwaNamibia ngoka a kala moshilonga shika uule woomvula 6 dha piti.



Omusita Albertus Maasdorp

Albertus Maasdorp, gwomomwamemengeleka yomUushimba ELK, okwa galukile kuNamibia muJuli 1980, noka taamba oshilonga oshippe shokukala amushanga omukuluntu gwOraata yoongeleka muNamibia (COUNCIL OF CHURCHES IN NAMIBIA) ndjoka yi na ombelewa dhayo mOvenduka.

Okuza omumvo 1973, omusamane Lema okwa kala amushanga gwelongo lyuukriste moshikondo shomailongo nomakonakoneno shOngongahangano muGeneva, shaSwitzerland. Okwa kala wo omuwilikihapu gwokangundulongekidho kiinima yaagundjuka mOngongahangano naAmushanga gwokafonkundana hoka ke na sha nelongo mu LWF. Oye wo oshilyo muungundulongekidho utatu mOraata

NGK OKWA TUKUKA

Oku na oilyo imwe mOngeleka yEembulu, NGK, oyo ya hala okutukuka mo mOngeleka ei, shaashi vati etumwalaka layo itali wapalele vali paife muSouth Africa. Oilyo ei oi wete kutya Ongeleka ei otai tutuka, ngeenge otai twikile ashike okukala yOilumbu noitai kwafamokukandulapo ekuma lopamaluvula nokweendela pamwe nefimbo momalunduluko omoshilongo.

Omushamane Willem Saayman, omuyakuli mOngeleka ei, okwa ti kutya oku na ovalongwanhu novanailonga vahapu, ovo va kenyenekwa nai kelelo, eamo nomalihumbato ovawiliki vOngeleka ei. Oilyo ei oya hala okuya mEengeleka dimwe odo da dja mOngeleka ei, node lilongekida okweekelashi omilandu adishe dopamiho-ko. Omushamane Saayman okwa weda ko kutya, Ongeleka ya N.G. oyo omupopili munene wokotongotongo.

Oku na eengudu mbali moi-lyo yOngeleka ei, pamatomhelo okupula elunduluko mOngeleka. Ongudu imwe otai ekeleshi okatongotongo nomatomhelo ayo okwa kanghamekelwa kOukriste. Ongudu onhivali otai tale Ongeleka oshilyo shomonghalafano, noi na okuteya po omakuma aeshe taa tukula ovanhu kumwe.

Ovatalinawa otava ti, nonande Ongeleka ei oi na enwefemo linene mEembulu, osha yela kutya omifya edi da tenda mo otadi ka nenepala. Eshi osha hepau-nunwa koshifo The Star, 28.7.1980.

yOngeleka muuyuni auhe. WCC ano mwaahoka kiinima yaailongi, yelongo noya-Africa.

Omulumentu nguka Lema, oye ekodhi lya teka omeya kokule. Omuntu e na oonkatu dhopailongo 4, nontintano yomagano. Oku na oonkatu dhuundohotola 3. Onkatu yotango yuundohotola, PH.D. okwe yi monene moUnivesiti yaMakerere muUganda, 1973 noshinyolwa she shuundohotola osha li: Oshiyetwapo shelongo lyUukwaluther muKilimandjalo okuza 1893-1920.

ETEGAMENO LYEMANGULUKO

Ngele tatu tala nawa etegameno lyemanguluko lyoshilongo shetu, otatu shi yeleke naanaa noshitheta oshidhigu moka omuntu a tegelela oku ka vala uunona u-yali wa landulathana.

Ihe manga inaa mona uunona mboka, ke shi wo kutya uukadhona nenge uumati, Kalunga oye mwene e shi shi. Ihe ngele a manguluka koshitheta nokwa mono uunona, opo ihe ta tseyia kutya haka okamati naahaka okadhona, e ta tameke okunyanyukwa nokuhambelela Kalunga nokudhimbwa mbala oshitheta a li e shi na.

Eeno, shili otu lyeni methimbo edhigu, ethimbo tali gama emanguluko moshipala. Ethimbo lyaapofeti aafundja taya gama ohapu yaKalunga moshipala, opo aantu yaa mone egaluko lyOmukwaniilwa gwawo, ngoka ta popiwa kohapu yaKalunga Jesus Kristus.

Aamwaameme tu galikane-ni twaa na ezimbuko. Omuwa oku li popepi shili, tu konakoneni muule iiningwanima ayihe tatu yi mono tse tu ndhindhilike wo ayihe. Ethimbo ehupi, tu li longitheni nawa manga taku tiwa onena, oshoka emanguluko oko li li osho wo egaluko lyOmukulili gwetu.

S.I.Amaambo

Botha moonkundathana naawilikingeleka

Omusamane P. W. Botha, oministeli yotango yaSouth Africa, okwa tseyitha omasiku ga zi ko kutya ye okwi ilongekidha okutsakanena nongundu yaakalelipo yOraata yoongeleka dhomu-South Africa (SACC), moonkundathana esiku eti 7 lya-Aguste 1980.

Oraata yoongeleka oya zimine okulongitha ompito ndjoka yokukundathana nomministeli yotango mesiku tuu ndyoka lya tumbulwa.

Aniwa iinima yimwe yomwaambyoka hayi nyenyetwa, kOraata yoongeleka (SACC) oyi na okuyelithwa moonkundathana dha tya ngaaka, osho elaka lya ti.

Amushanga omukuluntu gwOraata yoongeleka mu-South Africa, omumbisofi Desmond Tutu, mokuuva onkundana ndjika okwa popile muKaapstad ta ti: "Tse otatu pandula kompito ndjoka yokutsakanena nokukundathana noministeli yotango. Nokuli omuntu oto hala u tye, ando osha ningilwe nalee!"

AAUNINGININO OYA EKELAHI ORAATA YOOMINISTERI

Onkundana ya zi kligwanahangano otayi ti Omapangelo giilongo 5 yokUuninginino mbyoka konima yoomvula ndatu dha piti ya li ya ningi etokolo okuya moonkundathana nepangelo lya-South Africa omolwemanguluko lyaNamibia, oya tseyithile omasiku ga zi ko kutya okutotwa po kworaata yooministeri muNamibia otaku dhigupaleke oshilonga shawo.

Metumwalaka ndyoka ye li ningi ayehe kumwe, ano Amerika, Fulanisa, Britania, Ndowishilanda lyokUuninginino naCanada oya ti: "Etotopo lyoraata yooministeri mewiliko lyomunafaalama

Dirk Mudge, otali penduthile omuntu omaipulo kutya South Africa, okwa dhiladhila naanaa shike moshinima shika." Aauninginino mbaka oya tumbula kutya yo otaa ekelehi oraata ndjika yooministeri, ngaashika wo ya ekelahi nale oshigongi shopashigwana shoka sha totelewe moshilongo okuza mehogololo ndyoka lya ningilwe muDesemba 1978.

Oya ti: "Yo oya tala kutya ehogololo lya tya ngaaka kali shi sha noitali ti sha."

YANDA UUVU WOMUTIMA

"Ondjila yokuya komutima gwomuntu otayi pitile mela lye." Etumbulo ndika olyo shili lela. Ohaku popiwa wo aluhe kutya, omuntu owu na okulundulula omikalo dhoye dhokulya, ihe shika itashi ti ando omuntu u ethe po ikulya yoye iiwanawa mbyoka wu hole. Onkene tuu uuvu womutima ou li po tau tana moshilongo shetu.

Mpaka otapa landula omaye gamwe ngoka taga vulu okushonopeka uuvu womutima mokati ketu: -

- Ino lya oshungasheyi shi vultithe pushoka shomayi gatatu muule woshiwike shimwe.

- Omakunde, onyama ya kangwa, omayi goohi, omakolofisa, ehuli, iitiyanathigo, uuluyi niinima ngaashi omakondo, omakutsi, omeho nosho tuu, kala kokule nayo. Onyama ontiligane otayi vulu okulongithwa omathimbo gamwe - haaluhe ongomweelelo, ndele inayi ninga ikulya iinene yesiku kehe, aawe.

Oohi, oondjuhwa, oondhila nonyama yokatana oyi na uukolele notayi opalele okuliwa. Ashike moshipa shondjuhwa omu na oshitungithi shoka hashi ithanwa momalaka omakwiilongo, "cholesterol", shoka itashi opalele unene uukolele womuntu. Ino kala ho li unene onyama oyindjiyindji yongombe, yonzi, yoshingulu, ndjoka ya pya onyungushula.

likulya mbyoka ya za miilya yomaludhi gi ili nogi illi, ngaashi olwiishi, oshipageti, omakoloni nolusiane (oludhi lumwe lwoshilooda) nosho wo oshithima shepungu, shomahangu nenge shiilyaalyaka, oyi na uukolele owindji notayi opalele okulongithwa. Epoolisa nomboloto yiilyaalyaka nayo wo inayi ethiwa po nando.

Lya unene iihakautu mbyoka ya telekelwa momayula gayo, unene mbyoka ya telekwa pamukalo gwokuyotha, omboga, iikwamakunde niikwamboga iikwawo. Lya wo iiyimati niikwamahuku.

Longitha omagadhi goMargarine nomagadhi wo galwe ngaashi ngoka ga ningwa momakunde gosooya nomoongala dhetango. Ombuta yi longitha oolumwe, ndele yi longitha nuundalapatata. Yanda olukawe lwo mahini. Lya wo ehini ndyoka lya ningwa momahini ngoka ga hikwa, ano ngoka ga kuthwa nale omagadhi.

SHOKA TASHI INYENGE MUUMBANGALANTU WA NAMIBIA

Omuntu ngele oku li mongulu yi na ekende kombinga yimwe, ita mono shoka tashi inyenge koombinga adhihe.

Mevi lyetu osho tu li mo, tala nando okukwatwa kwaantu. Aantu ya kwatwa po, ihe ihaya talelwa po kaakwazimo lyawo oye li owala moondholongo ihe kaye shiwike mpoka ye 'li.

Po opu na ngaa epangelo. Aantu ayehe naya vulike kepangelo.. Olye ano pa Rom. 13:1,3 ano aapangeli yoyene ohaa vulika tuu? Sho epangelo tali longo iilonga iiwinayi. Otali yakula tuu Kalunga ngawo?

Otatu tala elongo lyonkalo ombwanawa yonkalathano yopakriste paetjeke

Tse aantu ngaashi tu li ngele mokati ketu otamu holo ka aantu ya hala okulonga uukriste wa tala pevi, nenge pokambuluiu kowala okashona, shika otatu shi tala kutya okutulwa moshiwilili, oshoka opo omuntu a vule okugongela omwenyo gwe ota pumbwa ombili nemanguluko.

Onkene okukalathana naantu oshi na okudhimbukwa kuyelee, opo ku talwe ngele tashi vulika tu lombwele aantu yepangelo ethikilo lyelalakaneno lyahugunina lyokulonga onkalathano ombwanawa ya lukwa uuwanawa u vule ayihe.

Pehulilo otandi pandula epangelo sho li hole okuningila aantu iigongi nokuleshela aantu otekisti yomu Rom 13: Otandi indile wo epangelo naapangeli amuhe

mu konakone shili ngele omuyakuli gwaKalunga, lya li opaleke iinima mbyoka lya yona.

Pulakena nawa kombinga ndjika otatu ku dhimbulutha wu fute shoka wa yona, opo u kale ngaa shili omuyakuli gwaKalunga.

Oshi nasha nongundu kehe tayi kondjo ya hala okupangela aantu mevi ndika alihe, ngoka u wete kutya ito shi vulu kala wo u shi shi kutya ito vulu okupangela aantu yaKalunga ngoye waa na ombili nohole nayo. Ongoye tuu omuholike gwa-Namibia? Opaleka, itedhulula shaa tuu we shi ningi pombutu pu tsuwa nehunda. Ngele hasho okulonga koye eihepeko lyowala. tse Aanamibia aaholi yombili naatondi yuulunde.

AANASHILONGA YA ELOK MEKWATATHANO NOSHIFO OMUKWETU

Momagongalo ga ELOK, omu na aanashilonga oyendji mboka taa vulu okunyola mokuuvitha moshifo shOmukwetu. Ihe o'ashi mitha sho tu na owala asita yaali mboka ye li aanyoli naauvithi moshifo shika.

Ngele inamu uvithwa kuSoulon Ekandjo, mu uvithwa kuEino Amaambo. "Uyelele weni nau yelee montaneho yaantu, ya mone iilonga yeni iwanawa noya simaneke Ho yeni yomegulu." Inandi tseyi kutya aanashilonga mbaka oya tulwa po oyo aveke ya nyole noyu uvithe moshifo shOmukwetu. Ngele oyo yene naye shi ningi, otatu ka haluka esiku limwe kaamu na euvitho.

Tate Sebulon ngiika ota ka kala nokusila oshimpwiyu euvitho lyomOmukwetu, nando o'bu li kiilongo yokokule. Aanashilonga aakwetu, "onyeka yomagadhi ihayi temwa yi tulwe koki yontungwa, aawe, okoshihukikwa, opo yi minikile aanegumbo ayehe." Tse na ngoye oohapu dhaKalunga odho odhindji dhi vule jhuuyuni? Nenge dhuuyuni odho dhi vule dhaKalunga? Tse aakriste otwa pewa euvitho yoohapu dhaKalunga. Natu uvitheni ano nomukumo. Omuwa Jesus ota ti: "Omwa kotha, pendukeni mu galikane mwaa pwile momamakelo."

H. Komati

TU KONDJITHENI OKWAATSEYA OKULESHA

NOKUSHANGA MOSHIGWANA SHETU

- A. Aakuluntu oyendji Aaluudhe muNamibia kaye shi okulesha nokushanga kuyo yene; ano ontseyo yekukwatathana pamishangwa kaye yina. OLUHODHI!
- B. Oyendji yomaakuluntu Aaluudhe muNamibia kaye shi okulesha nokushanga "nawanawa." Oye shi owala okulesha nokushanga etata: OLUHODHI!
- C. Aantu aanamupya yoludhi nduka muNamibia oye li omwaalu gwomayuvi ogendji. Oye li moofalama, momikunda dhomoshilongo, momahangano omanene giilonga ngaashi oomina, moongeshefa dhomalandithilo nomomalukanda.
- Yamwe oyo aakwanezimo lyoye, yamwe aashiinda shoye. Yamwe ookuume koye naashiwikile, nayamwe iilyo yegongalo lyaandjeni. Kashi na nee shilonga, aantu mbaka ayehe **AAMWANYOKO**.
- D. Tseni mbaka tu shi okulesha nokushanga otwa gwana okwiikonakona momaiyuvo getu, opo tu dhimbulule kutya osho oshinakugwanithwa shetu okukwatha mboka kaaye shi okulesha nokushanga elaka lyawo. Moku ya kwatha, nena "otatu ikwatha tse yene".

Nkene to vulu okukwatha

- (i) Ilongekidha okupopya naantu mboka u shi kutya kaye shi okulesha nokushanga, e to ya pula ngele oya hala okwiilonga okulesha nokushanga.
- (ii) Ilongekidha oku ya totela ongundu ndjoka ngoye mwene, nenge omuntu gumwe ta vulu oku yi kwatela komeho pethimbo lyoye mwene (on part – tim – basis).
- (iii) Ilongekidha okumona edheulo lyopetameko kutse (initial training) momukankalongo gwokulonga aakuluntu okulesha nokushanga. Shino otashi ku kwatha okukwathelakumwe nokuwilika ongundu yonakwiilonga aakuluntu nawa

Ngele ayihe mbino owe yi ilongekidhila, nena oto vulu oku tu tseyithila pakulongitha ondjukithi ngaash tayi holoka pevi.

The Bureau of Literacy and Literature
45 Bahnhof Street
P.O. Box 21128
Telephones: 37166/37167 (working hours)
WINDHOEK
9000

Oshili tuu shono?

Omupopyo gwepangelo hagu ti ashihe tali longo oshi na sha nuurwanawa waantu moshigwana, oshinima tashi limbilike mokutegameka niilonga yo yene yesiku kehe, mbyoka pakutala itaayi tsu kumwe noohapu.

Mokutala iiholelwa yimwe ngaashi andola omatindilo goopermeta dhaayakulingeleka, omundohotola Jääskeläinen, ngoka a tseyika nokwa yakula ethimbo ele mokwaambidhidha okuyapo kwoomwenyo o-dhindji moshigwana, omuntu ku shi wo kutya eyakulo lye olya sama peni. Omukulukadhi gwe omundohotola gwomayego okwa tseyika wo nawa mpaka neyakulo lye lyokukaleka nawa omayego gaakwashi-gwana. Aantu yomihoko adhihe okwa li ya mbomboloka koombinga noombinga opo ya pangwe. Pakutala naapangeli wo yo yene oya pumbwa omayakulo ngaka ngaashi ndika lyomundohotola gwomayego.

Ofamili Karhumäki ndjoka yi na eyakulo lyuunamiti, lyuulongi nuunamashina, lya guma omuntu aguhe, ku shi sho ya yona opo yi kale inaayi ziminwa okugalukila kiilonga yeyakulo lyomuntu aguhe mevi ndika.

Aavalelwamo mbono taa pingene omahala gaayakuli haa zi pondje yoshilongo, omundohotola Tomas Ihuhwa, okwa kondwa moshitopolwa, omanga omundohotola Naftali Hamata, omukuluntu gwoshipangelo shOnandjokwe a tulwa mokakuma (30/6/80, ngiika nethimbo lyaa na oongamba. Monkalo ya tya ngeyi eyakulo lyaantu miipangelo nuukolele wawo, ndishi olyu ukithwa moshilambo!

OMUKWETU

Oye oshifo shOngeleka Onkwavangeli paLuther yomOwambokavango.

Oha nyanyangidhwa mOshinyanyangidho shOngeleka mOniipa.

Omukuluntu gwoshifo omumbisofi dr. Kleopas Dumeni.

Ondando yOmukwetu komumvo muAfrika R 2-60, kombanda yomafuta R 5-00.

Omambesitelo pamwe noondando naga tumwe kOmukwetu Oniipa, P/B. 2013

Ondangwa 9000

EV. LUTH. OWAMBOKAVANGO CHURCH
PRESS ONIIPA P/BAG 2013 ONDANGWA
9000